

**Leeter masa
Jan
ma wuzlala ngeeme
Mey da ray
Leeter masa Jan ma wuzlala
ngeeme**

Leeter keɗe kwa mezɔley n̄ga ndaw da hwad̄ a daa ba na, ndəhay a wulkam ara Jan ma wuzlala. Asaya, ara an̄ga ma wuzlala leeter n̄ga dey cew e ta n̄ga dey maakar a. Daa leeter hay a maakar ata na, mey da hwad̄ a, a sɔram ba ta mey daa *Mey-maaya-mawiya masa Jan ma wuzlala*. Ara Jan a ma wuzlala *Cek ma wuzar a Jan* may.

Jan ma wuzlalata leeter hay a keɗe na, an̄ga maraw cay. A n̄jey da Efez. Daa n̄gene Egəliz hay daa wura daa wura daha. Ndəhay mekele mekele fa pəkam n̄ga wuzey mey a ndəhay daa berney hay. Ndəhay siya da wuzlah ata a wuzam mey maaya ba wal ta Mey-maaya-mawiya. Da ray n̄gene, ndəhay a tɔbmara Mey-maaya-mawiya na, ara mey n̄ga Gazlavay fara fara saba. A wulkam mebɔrey da ray ata daa ba. Yesu Kəriste ta sawa la a bəla anda ndaw-magədan̄ na, a tɔbmara ba. Kwa a wudam mey n̄ga Yesu ba. Memɔcey an̄ga na, ara cek n̄ga tede n̄gada ata.

Da ray n̄gene, Jan a wuzlala leeter e keɗe na, a lɔvey ndəhay a gwamara n̄ga sɔrmara Gazlavay, ray an̄ga, ta Bɔzey an̄ga Yesu Kəriste. Ndaw n̄ga

Yesu fara fara na, ara ndaw ma wudta ndəhay
 nga Yesu siya hay.

Daa leeter e kefe na, mey mekele mekele daha
 nga voley gədanj a ndəhay:

Gazlavay na, ara anja ma wada slam. Maaya
 na, ya njakwa daa mewedey a (1.5-7)

Da yaa cəfdakwa ambahw fa Gazlavay maja
 mebərey aləkwa na, a mbəkndandakwara la
 (1.8-10)

Ya da sərkwā aləkwa bəza hay nga Gazlavay
 na, maja aləkwa fa wudkwa vaw (3.1-3)

Mey da ray mewudəy-vaw nga Gazlavay (4.7-
 10)

Mey da ray heter mendəvey ba (5.11-12)

Gazlavay fa jəkfatar sləmay fa bəz anja hay
 (5.14-15)

*Mey da ray Yesu, ndaw ma vəltar heter a
 ndəhay*

¹ Ya wuzlalakwara mey kefe, da ray ndaw
 mezəley Mey * nga Gazlavay ma vəltar heter a
 ndəhay. Dəga bəla ta zley daa ba aran na, anja
 daha. Ndaw a na, ala ta cəndamara mey anja la
 ta sləmay ala, ala ta hətmar la ta dey ala. Fara
 fara, ala ta hətmar la, ala ta gəsfamar la ta har
 ala.

² Daa masa ndaw ma vəltar heter a ndəhay
 a ma wuzwa vaw na, ala ta hətmar la. Da
 ray ngene, ala fa kam sede da ray a, ala fa
 wuzdamakwara mey da ray heter mendəvey

* **1:1 1.1** Mey: Fede na, «mey» ara Kəriste. Gazlavay a wuztar
 vaw a ndəhay na, ta fa Kəriste. Nəka Janj 1.1. **1:1 1.1** 2.13-14;
 Janj 1.1-2, 14; **heter:** 4.14; 6.35; 8.12; 11.25

ba masa anɔa ma vɔlda ha. Ndaw aha, anɔa da cakay Papa alɔkwa Bay *Gazlavay, anɔa ta wuzndar vaw la.

³ Cek masa ala ma hɔtmar ta masa ala ma cɔndamara na, ya wuzdamakwara may amba ya njakwa macɔmkaya pal. Ya njakwa macɔmkaya pal, asaya, alɔkwa macɔmkaya ta Papa alɔkwa lej ta Bɔzey anɔa, *Yesu *Kɔriste.

⁴ Ya wuzlalamakwara mey a keɔe amba ya njakwa daa meesɔmey masa fara fara.

Mey da ray slam-mewedeɔey

⁵ Gazlavay na, ara anɔa ma wada slam, lɔvan fa vɔda kwa nekɔdeɔey daa ba. Keɔe ara mey masa ala ma cɔndamɔrwa fa Yesu *Kɔriste, ya kadamakwara.

⁶ Da ya lɔvkwa alɔkwa macɔmkaya ta anɔa, anja alɔkwa daa lɔvan cɔnɔa na, a key nɔgene, ya mbɔrzlakwa, alɔkwa fa kakwa cek masa ta cɔved e daa ba.

⁷ Ama da alɔkwa daa slam-mewedeɔey anda Gazlavay manjakaya daa slam-mewedeɔey na, alɔkwa macɔmkaya pal. Nɔgene, mambaz nɔa Yesu, Bɔzey anɔa, fa pɔrndakwara mebɔrey alɔkwa tabiya.

⁸ Da ya lɔvkwa alɔkwa ndɔhay ta mebɔrey ba na, nɔgene, a key ya tɔknakwa ray alɔkwa ta har alɔkwa, mey masa fara fara daa mevel alɔkwa daa ba.

⁹ Ama da alɔkwa fa wuzdakwa mebɔrey alɔkwa a Gazlavay na, anda keɔe, a

mbəkɔdandakwara meɓərey aləkwa la, asaya, a pərndakwara mevel aləkwa, cek hay maaya ba tabiya fa aləkwa daa saba, maja anɗa na, a mbərzley ba, a kata cek hay tabiya ta cəved e.

¹⁰ Da ya ləvkwa aləkwa ta kakwa meɓərey daa ba na, ya pakwa Gazlavay ŋga ndaw membərzley, mey anɗa daa mevel aləkwa daa ba.

2

¹ Bəz adaw hay, ya wuzlalakwara mey keɗe amba ka kam meɓərey saba. Ama, da ndaw ta key meɓərey la na, ndaw ma lacafandakwar a ray daha da cakay Papa aləkwa. Ndaw aha ara Yesu Kəriste, ndaw manjar meɓərey.

² Ara anɗa ma vəlda ray anɗa ŋga məcey amba Gazlavay a mbəkɔdandakwara meɓərey aləkwa. A məcey maja meɓərey aləkwa daada ba, ama a məcey maja meɓərey ŋga ndəhay da bəla tabiya.

Mey da ray mewuɗey-vaw

³ Da aləkwa fa nakwa ray a *mewey ŋga Gazlavay na, ŋgene, ya sərkwə Gazlavay fara fara.

⁴ Da ndaw a ləvey a səra Gazlavay, ama a key cek anda Gazlavay ma wuɗey ba na, ŋgene, ndaw aha a key a mbərzley, mey masa fara fara daa mevel anɗa daa ba.

⁵ Ama ndaw ma key cek anda Gazlavay ma wuɗey na, ndaw a, a wuɗa Gazlavay fara fara.

Ngene, ya sərkwā aləkwa macəm̄kaya pal ta Gazlavay.

⁶ Ndaw masa ma ləvey an̄ga macəm̄kaya mandaw mandaw ta Gazlavay na, si menjey an̄ga a key anda n̄ga Yesu.

⁷ Jam adaw hay, mey da ray mekey cek masa Gazlavay ma wudey masa yah ma wuzlalakwara kefe na, ara mewey mawiya ba, ama ara mewey zleezle, masa ka sərmara dəga akwar ma təbmara mey n̄ga Yesu təlam. Mewey masa zleezle kefe na, ara mey masa akwar ma cəndamara cay.

⁸ Ama ta n̄gene he cəpa, mewey masa yah ma wuzlalakwara kefe na, ara mewey mawiya. Mey masa fara fara da ray mewey a ta wuzwa cay ta fa menjey n̄ga *Kəriste. Akwar may, menjey akwar ta mbədey sem mawiya. A sərey ara mewey mawiya na, maja ləvan̄ fa ndəvey, slam-mewedey fara fara ta zlar cay n̄ga wedey.

⁹ Ndaw masa ma ləvey an̄ga manjakaya daa slam-mewedey, ama a wudā məlmaha ba na, n̄gene, an̄ga daa ləvan̄ cənga.

¹⁰ Ndaw masa ma wudā məlmaha na, ara ndaw masa daa slam-mewedey, kwa cek ma gwa n̄ga tədā ndaw a aa mebərey daa ba.

¹¹ Ama ndaw ma wudā məlmaha ba na, an̄ga daa ləvan̄, fa daw daa ləvan̄, a səra slam masa an̄ga ma daw a hwaɗ a ba, maja ləvan̄ ta tərda sem n̄ga wulaf.

2:5 2.5 2.17; 5.3; Jan 14.15; 2Jn 6 **2:6** 2.6 Jan 13.15; 15.5 **2:7** 2.7 2.24; 3.11 **2:7** 2.7-8 4.11; Jan 13.34 **2:8** 2.8 Jan 1.9-10; 8.12; Rm 13.12 **2:9** 2.9 3.10, 15; 4.20 **2:10** 2.10 Ps 119.165; Rm 14.13 **2:11** 2.11 Jan 12.35-36

¹² Böz adaw hay, ya wuzlalakwara leeter kefe na, maja Gazlavay ta mbəkɔakwara meberɛy akwar sem, maja Yesu Kəriste.

¹³ Akwar masa papan ɲga bəza hay, ya wuzlalakwara maja ka sərmara Yesu Kəriste, anɲa daha dəga bəla ta zley daa ba aran. Akwar masa gula hay, ya wuzlalakwara maja akwar ta fənmara bay-malula sem ta gədan.

¹⁴ Böz adaw hay, ya wuzlalakwara maja ka sərmara Gazlavay, Papa aləkwa. Akwar, papan ɲga bəza hay, ya wuzlalakwara maja ka sərmara Yesu Kəriste anɲa daha dəga bəla ta zley daa ba aran. Akwar, gula hay, ya wuzlalakwara maja akwar ta gədan, mey ɲga Gazlavay aa daa mevel akwar, akwar ta fənmara bay-malula sem ta gədan.

¹⁵ Ka da səpam ɲga njeɲ anda ndəhay da bəla kefe ba, kwa cek hay da bəla * ha na, ka da wudam ba. Da ndaw a wudɛy cek hay da bəla kefe na, a wudɛa Gazlavay Papa aləkwa ba.

¹⁶ Bəla na, aa kwara? Ndəhay fa səpam cek hay maaya ba anda ata ma wudam. Cek masa ata ma hətam fa ndaw na, a wudam ɲgada ata. A zlapam da ray zleley ata hay. Cek hay a tabiya kefe na, a sawa ta fa Gazlavay, Papa aləkwa ba, ama ara cek hay ɲga bəla.

¹⁷ Sərmara bəla kefe na, a ndəvey la, ta cek hay da hwad a tabiya masa ndəhay ma wudam

2:12 2.12 SNM 4.12 **2:13 2.13-14** 1.1-2 * **2:15 2.15** bəla: Fede «bəla» a wudɛy ɲga ləvey cek hay cəpa ma mbafamar a Gazlavay ba. Nəka Jak 4.4. **2:15 2.15** Jak 4.4 **2:16 2.16** MM 27.20; Rm 13.14; Ef 2.3; Jak 4.16

kalah. Ama ndaw ma key cek anda Gazlavay ma wufey na, a da njeý nga sɛrmataw.

Mey da ray masa-gɛra hay nga Kɛriste

¹⁸ Bɛz adaw hay, bɛla gweegwe cay a ndɔvey. Anda akwar ma cɛndamara na, masa-gɛra mahura nga *Kɛriste a sawa la. Kwa wure kedɛ, masa-gɛra hay nga Kɛriste ga daha. Maja ngene, ya sɛrkwa bɛla gweegwe cay a ndɔvey.

¹⁹ Ndɔhay a ngene, a bam da wuzlah alɛkwa, ama mevel ata anda nga alɛkwa ba. Da mevel ata anda nga alɛkwa na, anja a njam macɛmkaya ta alɛkwa la, fa da bam daa ba. Ama ta bam sem. Mebey ata ngene, a wuzwa ata tabiya ara ndɔhay alɛkwa hay ba.

²⁰ Akwar na, Kɛriste ta slɛrkwar *Mesɛfney nga Gazlavay la a ray akwar amba a pakwar ngada anga. Anda kedɛ, akwar tabiya ka sɛrmara meý masa fara fara da ray Kɛriste he.

²¹ Ya wuzlalakwara na, maja ka sɛrmara meý masa fara fara ba daw? Kay! maja ngene ba. Ya wuzlalakwara na, maja ka sɛrmara meý masa fara fara, asaya, ka sɛrmara membɛrzley daa meý masa fara fara ha na, daa ba.

²² Ndaw membɛrzley na, ara wa? Ara ndaw masa ma lɔvey Yesu na, ara Kɛriste ba. Ndaw a ngene na, ara masa-gɛra mahura nga Kɛriste. Ndaw a, a rɛsa Papa alɛkwa Bay Gazlavay, asaya, a rɛsa Bɛzey anga.

²³ Kwa waawa ma røsa Bøzey nga Gazlavay na, a key ñgene, a røsa Bay Gazlavay Papanj may. Ama kwa waawa ma tøba Yesu, ma løyey fa mey nga ndøhay Yesu ara Bøzey nga Gazlavay na, ndaw a ñgene, a tøba Bay Gazlavay Papanj la may.

²⁴ Akwar na, wam vaw da ray mey masa akwar ma cøndamara døga akwar ma tømbara mey nga Yesu tølám, anja mey a nga njeý aa mevel akwar mandaw mandaw. Mey masa akwar ma tømbara ha, da aa daa mevel akwar na, akwar may, ka njam la macømkaya ta Bøzey nga Gazlavay lej ta Papaha.

²⁵ Fara fara, Køriste ta løyey la a da vøldakwar cek. Cek a na, ara heter mendøvey ba.

²⁶ Ya wuzlalakwara mey kefe da ray ndøhay ma søpam cøved nga zlangaðadamakwar.

²⁷ Akwar na, Køriste ta slørkwar Mesøfney nga Gazlavay la a ray akwar amba a walakwar ñgada anja. Da Mesøfney anja, aa da ray akwar na, ka søpam ndaw mekele ñgaa sørkadakwar daa saba. Mesøfney a faa sørkadakwara cek hay tabiya. Cek masa aa maa sørkadakwara ha na, ara cek fara fara, membørzley da hwad a daa ba. Da ray ñgene, tømbara meesørkey anja, njam macømkaya ta Køriste.

²⁸ Ahaw, bøy adaw hay, Køriste a wuzwa vaw la. Njam macømkaya pal ta anja amba pas a

ma wuswa la na, ya zlurakwa fa mey anga ba, hwaray a kandakwar ba.

²⁹ Ka sɛrmara Kɛriste na, ara ndaw maaya ma ka cek ta cɛved e. Anda kedɛ, ka sɛrmara kwa waawa ma key cek ta cɛved e kɛne na, ara ndaw masa Gazlavay ma tɛrda sem nɔa bɛzey anɔa.

3

Ya da sɛrkwa alɛkwa bɛza hay nɔa Gazlavay na, kwara?

¹ Nɛkmara, Gazlavay Papa alɛkwa ma wudndakwar cey. A wudndakwar kalah, haa a lɛvey alɛkwa bɛz anɔa hay. Fara fara alɛkwa bɛz anɔa hay. Ndɛhay da bɛla kedɛ a sɛrmara Gazlavay ba. Ara maja nɔgene, a sɛrmandakwar alɛkwa bɛz anɔa hay ba may.

² Jam adaw hay, alɛkwa wure kedɛ bɛza hay nɔa Gazlavay. Gazlavay a da tɛrdandakwar nɔgada fa mey kwara na, ya sɛrkwa ba aran. Ama ya sɛrkwa fara fara pas masa *Kɛriste ma da wuzwa vaw na, ya da tɛrkwa letɛk anda anɔa, maja ya hɛtkwar la fara fara anɔa na, kwara.

³ Kwa waawa ma pa mewulkey anɔa a ray mey a kedɛ na, si a wey vaw, a key mebɛrey ba anda Yesu Kɛriste ma key mebɛrey ba.

⁴ Kwa waawa ma key mebɛrey na, a key nɔgene, a key hɛma a ray Gazlavay. Mekey mebɛrey na, ara mekey hɛma a ray Gazlavay.

⁵ Ka sɛrmara Yesu Kɛriste a sawa a bɛla keɛfe na, ɲga ley meɓɛrey ɲga ndɛhay. Aɲga na, meɓɛrey fa aɲga daa ba sɛlak.

⁶ Anda keɛfe, kwa waawa macɛmkaya ta aɲga na, a key meɓɛrey saba. Ama ndaw masa fa key meɓɛrey na, ta hɛtar Yesu daa ba, ta sɛra Yesu fara fara daa ba.

⁷ Bɛz aɗaw hay, ka da mbɛkdamara ray akwar amba ndɛhay a zlaɲgaɗadamakwar ba. Ndaw ma key cek ta cɛved e na, aɲga ndaw maaya anda Yesu Kɛriste aɲga ndaw maaya, ma ka cek ta cɛved e.

⁸ Ndaw ma key meɓɛrey mandaw mandaw na, aɲga dasi har ɲga bay-malula, maja bay-malula a zlar mekey meɓɛrey na, dɛga bɛla ta zley daa ba araɲ. Yesu, Bɛzey ɲga Gazlavay, a sawa a bɛla keɛfe na, ɲga nɛsa slɛra ɲga bay-malula ha.

⁹ Kwa waawa ma tɛrey sem bɛzey ɲga Gazlavay na, a key meɓɛrey saba, maja *Mesɛfney ɲga Gazlavay fa key slɛra daa aɲga *. A gwa ɲga key meɓɛrey saba, maja Gazlavay ta tɛrda sem ɲga bɛzey aɲga.

¹⁰ Ma wunkata bɛza hay ɲga Gazlavay, ta bɛza hay ɲga bay-malula na, me? Sɛrmara, ndaw

3:5 3.5 1.7; 2.2; 4.10; Iz 53.9; Jan 1.29; 8.46; 2Kwr 5.21; Heb 4.15; 9.14; 1Pi 1.19; 2.22, 24; 3.18 **3:6 3.6** 3.9; 5.18; Jan 15.5; Rm 6.2, 14 **3:8 3.8** Mt 12.26-29; Jan 8.44 * **3:9 3.9** Mesɛfney ɲga Gazlavay fa key slɛra daa aɲga: Ta mey Gɛrek, a lɛvey «hulfad ɲga Gazlavay aa daa ndaw.» Ndɛhay a lɛvam «hulfad» a wuɗey ɲga lɛvey «Mesɛfney ɲga Gazlavay». Ndɛhay mekele a wulkam a lɛvam hulfad ara «Mey ɲga Gazlavay», da daa ba, ara «Heter mawiya».

ma key cek ta cøved e ba, da daa ba, ma wuða mælmaha ba na, anġa bəzey nġa Gazlavay ba.

Mey da ray mewuðey-vaw

¹¹ Məlma adaw hay, wuðkwa vaw. Yaw, mey a keðe na, ara mey masa akwar ma cøndamara dəga akwar ma təbmara mey nġa Yesu təlam.

¹² Wulkam da ray ndaw daha mezəley *Kayin †. Ka da kam cek anda anġa ba. Anġa na, aa dasi har nġa bay-malula, a kəða mælmaha, mambaray a vagay. A kəða na, maja me? A kəða maja cek masa Kayin aha ma ka na, maaya ba fa dey nġa Gazlavay, ama cek masa mælmaha ma ka na, maaya fa dey nġa Gazlavay.

¹³ Məlma adaw hay, da masa ndəhay da bəla keðe a nġəldamakwar ba na, ka da rəzlam ba.

¹⁴ Ya sərkwə aləkwə anda ndəhay maməctakaya saba, ama aləkwə ma hətkwə heter mendəvey ba cay. Ya sərkwə na, maja ya wuðmatakwa məlma aləkwə hay. Ndaw masa ma wuðey vaw ba na, anġa anda ndaw maməckaya cənġa.

¹⁵ Ndaw masa ma wuða mælmaha ba na, ara ndaw ma kəðey ndaw vagay. Ka sərmara ndaw ma kəðey ndaw vagay na, aa ta heter mendəvey ba daa ba.

¹⁶ Yesu *Kəriste ta vəlda ray anġa la maja aləkwə. Anda keðe, ya sərkwə mewuðey-vaw na, ta fa vəða. Yaw, anda anġa ma vəlda

3:10 3.10 2.9, 29 **3:11 3.11** 2.7-8; 4.11; Jan 13.34 † **3:12 3.12** Kayin: Ara bəzey mahura nġa ata Adam ta Ev. **3:12 3.12** MC 4.8 **3:13 3.13** Jan 15.18 **3:14 3.14** 2.11; Jan 5.24; 13.35 **3:15 3.15** Mt 5.21-22; CWJ 21.8

ray anɔa ŋɔada alɔkwa na, si ya vɔldakwa ray alɔkwa ŋɔada mɔlma alɔkwa hay may.

¹⁷ Da ndaw cek anɔa daha, a hɔtar mɔlmaha cek anɔa daa ba, ama a sɔrfar dey-ceceh ba, a vɔlar cek ba na, a da wudɔa Gazlavay na, kwara?

¹⁸ Bɔz adaw hay, ka da wuzdamara mewudɔey-vaw akwar ta fa mey meeguzley maaya maaya daada ba. Ama si ka wuzdamara mewudɔey-vaw akwar fara fara ta fa slɔra masa akwar ma kamara.

¹⁹⁻²⁰ Da ray ŋgene, ya sɔrkwa alɔkwa ta tɔbkwa mey masa fara fara la. Da mevel alɔkwa a candakwar da ray cek masa alɔkwa ma kakwa maaya ba na, ya sɔrkwa Gazlavay a fɔna mewulkey alɔkwa, a sɔra cek tabiya daa mevel alɔkwa. Anda kedɛ, a dɔkndakwar mevel la daa masa alɔkwa fa dɔrkwa dangay.

²¹ Yaw, jam adaw hay, da mevel alɔkwa fa candakwar daa ba na, ya da dɔrkwa dangay a Gazlavay ta mandɔrzay daa dey daa ba.

²² Ya gwakwa yaa cɔfdakwa kwa meeme fa anɔa, a vɔlndakwar la maja alɔkwa fa tɔbkwa *mewey anɔa hay, asaya, alɔkwa fa kakwa slɔra masa ma mbafar.

²³ Mewey anɔa mahura na, ara mepey Bɔzey anɔa, Yesu Kɔriste, ŋga ndaw alɔkwa fara fara, asaya, ara mewudɔey-vaw da wuzlah alɔkwa, anda Kɔriste ma lɔvndakwar.

²⁴ Kwa waawa ma tɔba mewey hay ŋga Gazlavay, ma key cek anda mewey hay a ma lɔvey

3:16 3.16 Jan 15.13; Gal 1.4; Fɔl 2.17; 1Tes 2.8 **3:17 3.17** Mew
15.7 **3:18 3.18** Jak 2.15-17 **3:21 3.21** 2.28 **3:22 3.22** Jan
15.16 **3:23 3.23** Jan 2.23; 13.34

na, ndaw a macɛmkaya ta Gazlavay, Gazlavay may, aa ta anɔa. Ya sɛrkwa Gazlavay aa ta alɛkwa na, ta fa me? Ya sɛrkwa ta fa Mesɛfney anɔa masa anɔa ma vɛldandakwara.

4

Mesɛfney nɔa Gazlavay a da sɛram ta mesɛfney membɛrzley ndaw na, kwara?

¹ Jam adaw hay, ndɛhay tabiya ma lɛvam ata ta *Mesɛfney nɔa Gazlavay na, ka da tɛbmara mey ata ba. Si ka sanɔalamata la dɔgay, amba ka sɛrmara da ata ta Mesɛfney nɔa Gazlavay fara fara kwa. Ya lɛkwara anda kedɛ na, maja ndɛhay ma pamara ray ata nɔa ndɛhay ma tɛla mey nɔa Gazlavay ga daa wura daa wura da bɛla kedɛ daha.

² Yaw, kwa waawa ma lɛvey Yesu *Kɛriste a sawa ta fa Gazlavay da vad, ta tɛrey la nɔa ndaw-magɛdan na, ndaw a nɔgene, aa ta Mesɛfney nɔa Gazlavay. Ara anda kedɛ, akwar ma da sɛrmara ndaw ta Mesɛfney nɔa Gazlavay.

³ Ama kwa waawa ma tɛba mey a kedɛ ba na, aa ta Mesɛfney nɔa Gazlavay daa ba. Mesɛfney masa da ray anɔa na, ara mesɛfney nɔa masa-gɛra mahura nɔa Kɛriste. Akwar ta cɛndamara la masa-gɛra mahura nɔa Kɛriste a sawa la. Wure kedɛ, ta sawa cay, anɔa da bɛla cay.

⁴ Ama bɛz adaw hay, akwar na, ndɛhay nɔa Gazlavay. Akwar ta kam bay-gula sem da ray ndɛhay ma pamara ray ata nɔa ndɛhay ma tɛla

3:24 3.24 4.13; Jan 14.16; 15.5; Rm 8.5, 9, 14 **4:1 4.1** 2.18; Mt 7.15; 1Tes 5.21 **4:2 4.2** Jan 1.14; Rm 10.9; 1Kwr 12.3 **4:3 4.3** 2.18, 22

mey nga Gazlavay, maja Mesəfney masa da ray akwar na, a fəna mesəfney nga bay-malula da ray ndəhay da bəla keđe ta gədan.

⁵ Ndəhay ma pamara ray ata nga ndəhay ma təla mey na, ata ndəhay nga bəla. Da ray ngene, aa guzlam mey nga bəla. Ndəhay masa nga bəla fa cənmatar mey.

⁶ Ama aləkwa na, ndəhay nga Gazlavay. Ndaw ma səra Gazlavay na, a cəndakwar mey. Ndaw masa nga Gazlavay ba na, a cəndakwar mey ba. Ya sərkwā ndaw masa ta Mesəfney fara fara nga Gazlavay da ray, ta ndaw masa ta mesəfney membərzley ndaw na, anda keđe.

Mey da ray mewudəy-vaw nga Gazlavay

⁷ Jam adaw hay, wudkwa vaw da wuzlah aləkwa, maja mewudəy-vaw na, a sawa ta fa Gazlavay. Ndaw ma wudəy vaw na, Gazlavay ta tərda sem nga bəzey anğa, a səra Gazlavay.

⁸ Ndaw ma wudəy vaw ba na, a səra Gazlavay ba, maja cek masa Gazlavay ma ka tabiya na, a ka ta mewudəy-vaw.

⁹ Gazlavay ta slərdərwa Bəzey anğa mendulen la a bəla, amba ya hətkwa heter mendəvey ba ta fa anğa. Anda keđe, anğa fa wuzdərwa fara fara aa fa wudndakwar.

¹⁰ Ara aləkwa ma wudkwa Gazlavay teesəd ba, ama ara anğa ma wudndakwar teesəd. A slərwa Bəzey anğa, amba Bəzey anğa ha a vəlda ray anğa nga məcey amba Gazlavay a

mbøkðandakwara mebørey alækwa. Mewuðeyvaw na, anda keðe.

¹¹ Jam aðaw hay, Gazlavay a wuðndakwar kalah. Anda keðe maaya na, alækwa may, si ya wuðkwa vaw da wuzlah alækwa.

¹² Gazlavay na, kwa ndaw ta høtar ta dey anġa daa ba. Ama da alækwa fa wuðkwa vaw da wuzlah alækwa na, a wuzwa Gazlavay aa ta alækwa, asaya, a wuzwa alækwa fa wuðkwa vaw fara fara anda Gazlavay ma wuðndakwar.

¹³ Gazlavay ta vøldakwar Mesøfney anġa la. Maja nġene, ya sørkwa alækwa macømkaya ta Gazlavay, anġa may, aa ta alækwa.

¹⁴ Papa alækwa ta slørdørwa Bøzey anġa la amba a løhdata ndøhay da bøla. Ala ta høtmar la ta dey ala, ala fa kam sede da ray a.

¹⁵ Da ndaw a løvey Yesu ara Bøzey nġa Gazlavay na, Gazlavay aa ta ndaw a, ndaw a may, macømkaya ta Gazlavay.

¹⁶ Alækwa na, ya sørkwa Gazlavay fa wuðndakwar, alækwa fa tøkwa aa mevel alækwa, aa fa wuðndakwar fara fara.

Gazlavay a ka sløra anġa tabiya ta mewuðeyvaw. Ndaw ma wuðey vaw na, aa macømkaya ta Gazlavay, Gazlavay may, aa ta anġa.

¹⁷ Da ya wuðkwa vaw fara fara anda Gazlavay ma wuðndakwar na, ta pas masa Gazlavay ma da ka sariya na, ya zlurakwa daa ba, maja

4:10 4.10 2.2; 3.5; Rm 5.8, 10 **4:11 4.11** 3.11; 4.21; Mt 5.44-45; 18.33; Jan 13.34; 2Jn 5 **4:12 4.12** 2.5; 4.17; Jan 1.18 **4:13 4.13** 3.24 **4:14 4.14** Jan 15.27 **4:15 4.15** 2.23 **4:16 4.16** 4.8-10; Jan 15.5

menjey aləkwa da bəla keɖe anɔa letek ta nɔa *Kəriste.

¹⁸ Ndaw ma wuɖey ndaw na, fa da zluɖey ta sariya nɔa Gazlavay daa ba. Mewuɖey-vaw masa fara fara na, a bəla mandərzay daa dey. Da ndaw fa zluɖey na, nɔgene, mewuɖey-vaw nɔa Gazlavay fa key sləra daa anɔa anda Gazlavay ma wuɖey daa ba, maja ndaw ta mandərzay na, fa zluɖey ta banay ma da hətfar fa dəba nɔa sariya.

¹⁹ Ya wuɖkwa vaw na, ara maja Gazlavay ma wuɖndakwar teesɛɖ.

²⁰ Da ndaw a ləvey a wuɖa Gazlavay, ama a wuɖa məlmaha ba na, a key nɔgene, a mbərzley. Da a wuɖa məlmaha masa anɔa fa hətəra ba na, a da wuɖa Gazlavay masa ta hətəra ta dey anɔa daa ba sələk na, kwara?

²¹ Ndaw ma wuɖa Gazlavay na, si a wuɖa məlmaha may. Keɖe ara *mewey masa Kəriste ma vəldandakwara.

5

Ya fənkwa bəla keɖe ta gədaŋ

¹ Kwa waawa ma təba Yesu ara *Kəriste, *ndaw masa Gazlavay ma wala nɔa ləhdata ndəhay na, anɔa ta tərey sem bəzey nɔa Gazlavay. Kwa waawa ma wuɖa Gazlavay Papa aləkwa na, a wuɖta bəza hay nɔa Gazlavay may.

² Da ya wuɖkwa Gazlavay, asaya, da ya kakwa cek anda *mewey anɔa hay ma ləvey na, nɔgene,

ya sərkwə aləkwa fa wudmatakwa bəza hay n̄ga Gazlavay.

³ Da ya kakwa cek anda mewey n̄ga Gazlavay ma ləvey na, a key n̄gene, ya wudkwa Gazlavay fara fara. Mewey an̄ga ha, aa ta gəra n̄ga səpey n̄gada aləkwa ba,

⁴ maja bəza hay n̄ga Gazlavay tabiya na, a fənmara bəla ta gədaŋ. Ya fənkwa bəla keđe ta gədaŋ na, kwara? Ya fənkwa bəla keđe na, maja aləkwa fa pakwa Yesu Kəriste n̄ga ndaw aləkwa fara fara.

⁵ Ma fəna bəla na, wa? Ma fəna bəla na, si ndaw ma təba, Yesu na, ara Bəzey n̄ga Gazlavay.

Ma wuzda mey da ray Yesu Kəriste fara fara na, me hay me?

⁶ Yesu *Kəriste na, ara ndaw masa ma sawa a bəla. A sawa na, ta hətey *baptem la ta yam. Mambaz an̄ga ta mbəđwa la daa meməcey an̄ga. A hətey na, baptem ta yam daada ba, ama mambaz an̄ga ta mbəđwa la daa meməcey an̄ga may. Asaya, *Mesəfney n̄ga Gazlavay ta wuzda la fara fara cek hay a ta kam la. Mesəfney a, a mbərzley ba səlak.

⁷ Anda keđe, cek hay maakar daha fa wuzdamərwa mey fara fara da ray Yesu.

⁸ Cek hay a na, ara Mesəfney n̄ga Gazlavay, yam n̄ga baptem, leŋ mambaz an̄ga. Ata maakar ata, mey ata letək.

⁹ Aləkwa fa təbkwa mey masa ndəhay ma wuzdamara da ray cek masa ata ma hətmar. Mey masa Gazlavay ma wuzda na, a fəna mey nga ndəhay ma wuzdamara. Ara Gazlavay ta ray anğa ma wuzda mey a da ray Bəzey anğa.

¹⁰ Anda kede, ndaw masa ma təba Yesu, anğa Bəzey nga Gazlavay na, a səra daa mevel anğa mey a ara mey masa fara fara. Ama ndaw masa ma təba mey nga Gazlavay ba na, a pada Gazlavay nga ndaw membərzley, maja ta təba mey masa Gazlavay ma wuzda da ray Bəzey anğa daa ba.

¹¹ Cek masa Gazlavay ma wuzdandakwara na, wura? Cek masa Gazlavay ma wuzdandakwara na, ara heter mendəvey ba masa anğa ma vəldandakwara ta har Bəzey anğa.

¹² Ndaw masa macəmkaya pal ta Bəzey nga Gazlavay na, anğa ta heter mendəvey ba. Ndaw masa ta cəmey ta Bəzey nga Gazlavay daa ba na, aa ta heter mendəvey ba daa ba may.

Mey da ray heter mendəvey ba

¹³ Ya wuzlalakwara leeter kede ngada akwar ma pamara Yesu, Bəzey nga Gazlavay, nga ndaw akwar fara fara amba ka səmara maaya maaya akwar ta hətam heter mendəvey ba cay.

¹⁴ Da aləkwa fa dərkwā dangay a Gazlavay na, ya zlurakwa ba maja ya sərkwa fara fara, da aləkwa faa cəfdafakwar cek masa mevel anğa ma wufey na, ya hətkwa la.

15 Anda aləkwa ma sərkwā anğa fa jəkfandakwar sləmay daa medərey-danğay aləkwa na, ya sərkwā ya hətkwa cek masa aləkwa maa cəfdakwa fa vəda la may.

16 Da ndaw a hətar məlmaha fa key mebərey, da mebərey a, ara mebərey ma hendey ndaw aa meməcey ba na, si a kar ambahw a Gazlavay maja anğa. Da mebərey nğa məlmaha ara mebərey ma hendey ndaw aa meməcey ba na, ngene, Gazlavay a vəlar heter la. Mebərey ma hendey ndaw aa meməcey na, daha. Ngene, ya ta ləvey nğa key ambahw a Gazlavay maja mebərey a daa ba.

17 Cek hay maaya ba hay tabiya masa ndaw ma ka na, ara mebərey. Ama mebərey siya na, a hendey ndaw aa meməcey ba.

18 Ya sərkwā kwa waawa ma tərey sem nğa bəzey nğa Gazlavay na, a key mebərey saba, maja Yesu, Bəzey nğa Gazlavay, fa jəda. Anda keđe, bay-malula fa da gwa nğa kar cek daa ba.

19 Ya sərkwā aləkwa na, ndəhay nğa Gazlavay, asaya, ya sərkwā ndəhay da bəla keđe tabiya ata dasi har nğa bay-malula.

20 Ya sərkwā Bəzey nğa Gazlavay na, ta sawa la a bəla, ta vəldakwar lenğesl la amba ya sərkwā Bay Gazlavay, ndaw masa fara fara. Aləkwa macəmkaya pal ta Gazlavay, ndaw masa fara fara ha, ta fa Bəzey anğa, Yesu *Kəriste. Anğa na, ara Gazlavay ndaw masa fara fara, ara anğa ma vəltar heter mendəvey ba a ndəhay.

5:16 5.16 Mt 12.31; Heb 6.4-6 5:18 5.18 3.6, 9-10; **bay-malula:** Jan 17.15; 2Tes 3.3 5:19 5.19 Jan 12.31; Gal 1.4 5:20 5.20 Jan 1.14, 18; 11.25; 17.3; 20.28

²¹ Bəz adfaw hay, wam vaw, ka da səpam mey
ŋga kuley hay ba.

Mofu-Gudur
The New Testament in the Mofu-Gudur language of
Cameroon: Mejəwey-mey Mawiya
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: Mofu-Gudur

Contributor: Aramaic Bible Translation, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

2b021919-36cf-59da-a35f-10c5e5548811